


吉492-30



577-3


13



15  
16  
17  
18  
19  
20  
21  
22  
23  
24  
25  
26  
27  
28  
29  
30  
31  
32  
33  
34  
35  
36  
37  
38  
39  
40  
41  
42  
43

古 430  
572.2





隸釋卷六

謁者景君墓表

惟元初元辛五月丁卯故謁者任城景君卒嗚

呼

字闕二

國喪淑臣朝失貞良同

字闕四

吏無

字闕四

瞻學者靡

字闕六

紀德

字闕二

生有爵豨歿

闕其功

下闕

辭云

惟君束脩仁知

闕興門

闕發政

闕然

字闕三

爾

闕五

字風兼體

字闕二

明招幽通言信行篤謙廉允躬



下闕 不下闕 不博人闕 勇匪石外和內公所遁

曲闕 詭隨闕 通闕 義命栗肅下闕 理政

治孝親忠君下闕 嘉命挽闕 敬應闕 股肱耳

目闕 彈闕 玃枉如剛吐柔五官功曹骨體之

臣闕 巖闕 祖之貞史任之直公闕 浩清辟

洲從事闕 邦之雄宣動萬里州郡位并察舉孝

廉百國之宗能文繡闕 怡闕 心下闕 光闕 帝庭

字闕五 閔股肱龍升鳳翔進退闕 便闕 公劉姿

字闕六 益闕 昌闕 逝闕 降平百道共氣京師

鄂驚

皇帝賻闕 大闕 其福闕 興闕 軌闕 瑞剖

符北海闕 所闕 寇攘闕 而有闕 焉闕

字闕 曰闕 孔闕 曰闕 子闕 曰闕 無傷子異色

闕 艾和命凶兮不闕 百闕 兮闕 更闕 太闕

字闕 是其闕 兮闕 動後昆芳闕 將闕 兮闕 永昌闕


字闕 是闕 兮闕 動後昆芳闕 將闕 兮闕 永昌闕

紀此銘

右故謁者景君墓表隸額景君任城人以安  
帝元初元年卒石磨滅可讀者總數句碑陰  
有諸生服義者十三人卽立碑之人也東都  
自路都尉始見墓闕蓋表并銘壙之濫賜也  
有文而傳于今則自景君始其分行布字已  
井二有法題首七字波勢清逸有八分之體  
惟皇帝賻三字特出于誌文之上齊墓穆妃

議立石誌王儉以爲非禮經所出元嘉中顏  
延之輩爲之遂相祖述爾梁任昉作文章緣  
起又云墓碑自晉始予考酈氏水經所載漢  
刻已不少後魏與齊梁時相先後也豈碑碣  
多在北方南人未之見乎然郭林宗傳云林  
宗旣葬同者立碑蔡邕爲其文謂盧植曰  
吾爲碑銘多矣惟郭有道無愧色史稱王儉  
晉宋以來故事儀典諸憶無遺每博議引證

先儒無能異者范書所載豈不知之今漢人墓刻猶存數十百碑其云始于晉宋非也



景君碑陰


諸生服義者

義士北海劉張敏字公輔弟子濟北荏平寧尊  
字伯尊弟子山陽南平陽方京字孟平弟子濟  
北荏平吳良字威賢弟子齊國臨蕃宋成字子  
賓弟子齊國臨蕃劉封字漢輔弟子魯國卞呂  
昌字永興弟子樂安高苑牟龍字文友弟子清  
河靈孟福字封道弟子魏郡庠山田朗字季持

弟子魏郡內黃景茂字元愷弟子山陽胡陸尹  
倉字升進弟子山陽胡陸董舊字元夜

右景謁者碑陰義士一人曰北海張敏碑中  
若有北海剖符北海字其文斷續難考餘人  
皆稱弟子則傳道受業之人也墓之有碑所  
以紀功述德昭垂後世者也一時賓客因以  
刻名其陰托之不朽爾今景君之碑淪碎不  
復成章而碑陰諸人姓名 異利缺物之不

可預期如此



郟令景君闕銘

惟元初四年三月丙戌郟令景君卒以五年二

月闕四序君存時恬狀無欲樂道安貧信而好


古非汰不言治歐陽尚書傳祖父河南尹父步

兵校尉業門徒上錄三千餘人明明側陋遠近

照聞闕司聘請派化下邳未極考績續母奠之

子無隨沒俯就禮畢故府復請司空大常博士

竝舉高經君為其元假涂郟姦邪洒心澄澈





清靜焚書哀嘆平闕黃者終始無銜被病垂身

歸于幽冥祖載之日魂游象生玄路皆闕朱艸

字闕二達巷方軌涕泣賈闕諸生服義百有餘人

迺刻此石紀闕行闕見闕懷德聞嘆吟千秋

萬友字闕二為字闕二考積德字闕四堂壇羅闕闕闕下

野兔而有靈闕無下闕

右郊令景君闕銘諸生服義者所立景君歷下邳郊兩邑以安帝元初四年卒墓有雙石

闕其一刻此文在濟州任城縣南景君三友


傳歐陽尚書高第編牒至三千人公卿皆以

為明經舉首亦顯門之耆儒也碑既不載其

名儒林傳惟有廣漢景鸞乃治齊詩施氏易

者范氏罔羅疎益不止一郊令也惜哉

國三老表良碑



君諱良字庫卿陳國扶樂人也厥先舜苗故為  
封君周之興虞閼父典陶正嗣滿為陳侯至玄  
孫濤塗初氏父字立姓曰表魯僖公四年為大  
夫哀十一年頗作司徒其末或遭齊楹而表生  
闕獨留陳當秦之亂隱居河洛高祖破項遣從  
其冊天下既定還宅扶樂孝宗征和三平生曾  
孫幹斬賊公先勇拜黃門郎封闕內侯食遺鄉

六百戶後錫金紫僊脩城之範幹堯子經嗣經  
堯子山嗣傳國三技至王樊而翁君卽山之曾  
孫繼神明之洪旗賚天惠又清剗懌綜易詩而  
悅禮樂舉孝廉卽中謁者將佐大匠丞相令廣  
陵大守討江賊張路等威震徐方謝病歸家孝  
順政初咨字闕仁白主府舉君徵拜議卽苻節令  
時元子光博平令中子騰尚書郎少子璋謁者  
詔書壁字闕二可父事羣司以君父子俱列三臺

夫人結髮上為三老使者闕節安車親闕几杖  
之尊袒割之養君寔饗之後拜梁相帝御九龍  
殿引君對觀酒飯賜飲宴

冊曰頃者遭遇運害災條備至陰陽不和寒暑  
不節管子制義承奉剛有興盛之福懌期卽  
致來咎之變朕以妙身龍裘繼業二九之戒今

直其際圖記占闕慎在藩國先帝至德猶有  
七國之謀蓋治夜者不諱其難朕追慕社稷之

重恐有交會諸國王侯開導以驕滿之漸令姦  
邪因緣生惡相以顯選簡練內升替掌符竟惠  
撫我民故連拔援不勳次典郡職重親執經緯  
隱括左手往者至尊發縱於平陽清約藩輔其  
節所然忠臣之義 謹云 去吞其加精澈瀾切  
防芻朕疚心以戒今特賜錢十萬雜繒世匹王  
玉具劔佩書刀繡文印衣繡極手中各一珪悉  
乃心勉密協同便空敷上君子曰優取之寵於

斯盛矣宰縣治郡霖民不思載八十五以病致  
任永建六年二月戊辰卒居罔廬殯于假館替  
行父平仲小國之卿其儉猷稱况 父子

同升而霖環堵不贖此明實錄之時使前詰孤  
名而君獨立於是厥孫衛尉滌司徒掾弼 闕道  
刊石佐銘其辭曰

飛清邈紛其屢跨高岳 山輔靈際位帝父振滂  
穢登攀龍趾天聖酌不揮凱以邁民被澤罔畿

又中本應曜其碣

闕

煌煌數萬枝


石漢故國三老袁君碑篆額在開封之扶溝  
袁君名良歷郎中謁者將作大匠丞相令廣  
陵太守議郎符節令國三老梁相以順帝永  
建六年卒其孫衛尉滂立此石滂以光和中  
爲相其作九卿當在靈帝之初水經云扶溝  
有袁梁碑者誤也趙氏云唐宰相表及元和  
姓纂云袁幹封遺鄉侯八世孫良生昌璋昌

生安璋生滂按袁安以永平四年薨良之卒  
猶在其後三十九年又安乃汝南人滂則陳  
郡人相去歲月甚遠鄉族皆不同乃以爲從  
父兄弟疎繆甚矣諸書皆云幹以討公孫勇  
功封費鄉侯而碑作公先勇又云封關內侯  
食遺鄉六百戶皆莫可考趙氏辨安滂非同  
祖其論詳矣然遺鄉侯事益在田廣明傳中  
傳云故城父令公孫勇謀反衣繡衣乘駟馬

車至圍圍使小史待之知其非是守尉魏不  
害等共收捕之上封四人爲侯小史竊言上  
問之對曰爲侯者得東歸否上曰汝鄉名爲  
何對曰名遺鄉上曰用遺汝矣於是賜小史  
爵關內侯食遺鄉六百戶小史卽幹也碑云  
僂脩城之鄭者以僂爲遷蓋遺鄉其後徙封  
也碑云表生當秦之時隱居河洛高祖破項  
寔從其策太史公書高祖之出滎陽收兵啟

東表生說帝深壁武關令滎陽成臯間且得  
休使韓信等輯兵河北趙地連齊燕帝從其  
計碑所書二事皆與史合惟班史以表生爲  
轅生左傳載濤塗頗皆作轅古字通用也梁  
相之策其文甚溫厚漢志載陰陽交會有陽  
九陰九之厄此云二九之戒似謂此也張平  
子賦云合二九而成譎謂王莽十八年而成  
變計此冊益慮藩方或有七國之難且云恐

有交會非用新室事也元帝窮極幼眇讀曰  
要妙此云妙身繼業者讀妙為眇也



北海相景君銘

惟漢安二年仲秋

闕二

故北海相任城景府君

卒歎歎哀哉國

闕二

廩英庶失疇列宿虧精晚

學後時于何膏蒼布命授期有生有死天寔為

之豈夫仁招彼勉不遺於是故吏諸生相與論

曰上攻羣后莫不流光

闕

於無廟垂芬耀於書

篇身歿而行明體亡而名存或著形像於列圖

或數頌於管孫

字弦

後來詠其烈竹帛叙其勳

乃仕誅曰伏惟

明府受質自天孝弟淵懿帥禮蹈仁根道核藝  
抱淑守貞晶白清方勉己洁身寔深定剛乃武  
乃文遵孝孝謂假階司農流惠元城興利惠民  
強禦改節微弱蒙恩成立澤宣化行如神帝嘉  
厥功授呂符命守郡益州路遐學親躬作遜讓  
夙宵朝廷建英忠讜辨袂東衍璽追嘉錫授北  
海相韶城十九字鄰韶字鄰歸向分明好憲先呂敬

讓殘偽易心輕黠踰竟鴟梟不鳴分子還養元  
元鰥寡蒙祐呂寧蓄道循惠闕社呂榮紛紛令  
儀明府體之仁義道術明府膺之黃朱却父明  
府三之台輔之任明府宜之呂病被徵委位致  
仕民闕思慕遠近搔首農夫驛未商人空市隨  
輿歎淚奈何朝廷奪我慈父去官未旬病乃困  
危珪璧之質臨卒不回歎歎實絕奄忽不違孝  
子慙悼顛倒剝推遂不勉寤永潛長歸州里鄉



黨隕涕表哀故吏切怛歎歎徑徊四海闕蓋驚  
憊傷褻大命所期寔惟天闕明王設位明府不  
就臣子欲養明府弗留歎歎哀哉

爾曰考積幽字闕窮字闕三字闕兮字闕四字闕翔議郎兮再命常

將綏元元兮親英傑護主忠信兮羽術藩屏撫

萬民兮字闕四字闕恩字闕上字闕兮宜參鼎輔闕幹植兮不

永糜壽矣臣子兮仁敷海外普甘棠兮闕石勒

銘闕不亡兮

○右漢故益州太守北海相景君銘篆額濟

州任城有景氏三碑皆不著其名字景君嘗

屬司農宰元城刺益郡相北海以順帝漢安

二年卒其前已有誄曰其後有等曰者亂省

其乙也其又曰宜參鼎輔字書無輔字當是

借作拂取輔拂之義趙氏有碑陰載故吏自

都昌台丘暹而下十九人皆作脩行漢隸循

隋二字頗相近恐是借用爾予益未見也

敦煌長史武班碑

建和元年大歲在丁亥二月辛巳朔廿三日癸卯長史司下闕

敦煌長史武君諱班字宣張昔殷王武丁久伐鬼方元功章炳勳威王府官族分析曰以為氏焉武氏蓋其後也商周假蕝歷戎壙遠不隕其美漢興以來爵位相踵闕朝忠臣君秀闕顏闕之楸質長敷存夏之文學慈惠寬闕孝友玄妙

苞爾術藝貫洞聖闕博兼字闕二耽綜典籍闕三

純求福不回清聲美行闡形遠近州郡貪其高

賢闕二請以闕二歲舉闕翼紫宮闕二詔除光

顯王室有闕於國帝庸嘉之掌司右闕領校秘

鄭研闕幽微追昔劉向辯賈之徒比闕萬矣時

戎闕二匡正闕二朝廷惟憂闕二有司闕二

舉君班到官之日闕癘吏士喙廂之怒薄伐闕九

字並百姓賴之邦域既寧久勞弓外當還本朝

以叙左右以永嘉元年闕月闕日遭疾不闕哀

闕於是金鄉長河間高陽史恢等追惟昔日同

即署感闕為下闕

自古在晉先聖與仁闕二興替闕二人存生榮

死哀是闕萬年伊呂遺德闕孔之珍故闕石銘

碑以旌明德焉其辭曰

於惟武君允德允恭受天休命積祉所鍾其在

狹提岐嶼發蹤謙闕守約惟誼是從孝溪凱風

志黎羔羊樂足

字闕二

恬此

闕

光孳孳臨川闕見

闕虛庶仰莫

微妙玄通

闕

然清邈

字闕六升闕

為帝股肱扶助大和萬民適蒙顯宗

字闕二史官

書功吳天上帝降茲鞠凶奄忽徂述

字闕四不亨

字闕二大命

字闕二

百道惟

闕

后帝感傷學夫喪師

士女悽愴

闕

表金門令問不忘

闕

後昆萬載

歎誦

尚書丞沛國蕭曹芝

闕

宣成武令中山安熹种

下闕

豐令下邳良成徐崇

字闕二

故陳留府丞魯

國魯

字闕四

防東長齊國臨善

闕

紀伯允書此碑

嚴祺字伯曾

右故敦煌長史武君之碑隸額在濟州任城


武君名斑字宣張從事梁之猶子吳郡府丞

開明之元子執金吾承榮之兄也以冲帝永

嘉元年卒碑後三年同舍郎史恢曹芝

六人所立字小石損官壽殘失威宗建和之

元年開明爲其兄立闕刻其闕



從事武梁碑

上闕 成行摠騁技巧委蛇有章垂示後嗣萬

不亾其辭曰

懿德玄通幽呂明子隱居靜處休耀章子樂道

忍榮垂蘭芳子身歿名存

闕四字


右從事武君碑在濟之任城武君名梁威宗


永嘉元年卒季子仲章苻立此碑輿服志古

者有冠無情秦後稍作顏題漢乃崇其

中爲屋未冠童子有憤無屋者亦未成人也  
此碑及武榮碑皆有闕情傳講之文蓋謂其  
未冠之年已能傳道講學也武君屢辭辟召  
不聞權門踰七望八爵秩不踰故銘又無可  
鋪叙而其後云孝子孝孫躬修子道竭家所  
有選擇名石南山之陽擢取好妙色無斑黃  
前設壇墀後建祠堂良匠衛改雕文刻畫羅  
列成行摠騁技巧委蛇有章若曰松 窈窕

之事不應辭費如此此碑長不半尋廣總尺  
許旣無雕畫技巧亦非羅列成行其辭決不  
爲碑設也詳味之似是指石室畫像爾





平都相蔣君碑

君諱

闕字

闕二

其先出自

闕二

后稷之

闕至於

成王光有天下錫地

闕

畿俾侯于蔣曰而

闕九

秦

闕三

諸夏

闕三

心捐

闕二

主

闕二

封曰

闕遐

阻居來南通被荆

闕四

漢君之祖考

闕四

為

交州刺史從父交趾太守

闕

能輸力王室以萬

闕

臣節功列天府舍問不已君繼厥緒載德不

闕三

字山之

闕八

秉

闕二

之芳刑顏夏之殊行孝友

著於閨門弟順稱于鄉黨啟詩說禮闕二好仁

闕四事闕三學優則仕歷郡五官掾功曹正色

立于朝有孔父闕二前後牧以禮辟命委質承

闕九行成于內名播于外再為計掾光光橋橋

與闕三乃時京師百郡觀會莫不闕十中昭闕四

字之則夙夜惟寅闕三翼天闕二禮朝遷明德

出宰豫章平闕十季起之清約闕二豹之政布

愷悌之化經國以禮闕二以義異郡黔首緼負

躡闕九君文不犯順並不違敵賞善鬪吞寬猛

協中闕濟清瑛遵五迸四仁慈春夏威若闕九

威囹圄空虛路靡怨闕四睦宇宙稱平三載考

績功業顯明當援符闕受福無疆闕天不弔降

災賢良闕六十有五元嘉二年三月甲午遭疾

不豫闕卒于官國喪惠君朝失楨幹百闕悲恨

若鄭亾產遐邇闕三女增歎闕暫怛闕二罔

極闕二愛敬終以哀感禮畢祥除餘悲憑億瞻



望墳塋循墓徘徊松柏闕真涕泣愴悽感慕詩

人蓼蓼者儀追述遺訓刊之玄珪其辭曰

於穆林烝實乾所生闕二挺生闕性純清文為

儒宗武則干城顯顯昂昂臨朝有光循衛紫微

受恪在勤典國治民其化若闕三州郡闕二龜

銀皇矣上帝賦命不均喪漢良輔社稷之鎮淑

人君子胡不萬年改夜不朽闕泮後昆

右漢故平都侯相蔣君之碑篆額今在道州

碑石漫滅不得其名字平都侯國屬豫章郡

碑有出宰豫章平五字其下闕文即平都也

蔣君以威宗元嘉二年卒其文有云禮畢祥

除瞻望墳塋則此碑乃後來所立學記蛾子

時術左傳蛾祈皆讀蛾為蟻史記索隱讀淳

化鳥獸蟲蛾亦作蟻漢碑書蓼莪皆作蓼儀

亦有作蓼莪者詩人以儀與河阿叶韻則是


讀儀為俄也此以蓼蓼者儀叶涕泣愴悽刊

之元珪則又讀如本字大學云進諸四夷釋  
道爲屏漢傳有遵五進四之文此碑亦然蓋  
漢人傳魯論有如此者

孔謙碣

孔謙字德讓者宣辰公廿七孫都尉君之子也  
身軀蘭石自然之姿長膺清妙孝友之行禮述  
家業循魯春秋經升堂講誦深究聖指弱冠而仕  
歷罷諸曾史季廿四永興二季七月遭疾不祿  
右孔謙碣其名不甚可辨考孔氏譜得之所  
謂都尉君者太山都尉君者太山都尉宙也  
孔融傳云宙有七子融之次第亦載於譜錄

者惟有謙衰融三人衰之名見史晨碑



郎中鄭回碑

君諱回字伯堅著君元子也含中和之淑質履

上仁闕三孝友著乎閨門至行立乎鄉黨初受

業於歐陽遂窮究于典籍膺游夏之文學襄冉

季之政事弱冠仕郎史諸曹掾史主簿督邾五

官掾功曹入則腹心出則爪牙身忠臣衛上清臣

自稱犯顏謇諍造膝佞辭加臣好成方類推賢

達善遠遁遇讓當去臣此服之躬后玆瑋臣為

儲舉先屈計掾奉我闕貞清眇冠群庶惠能簡

乎聖心延熹元年二月十九日詔拜郎中非其

好也呂瑛銅爵未滿期限從其本親乃邁凶慝

年卅二 四月廿四日遭命殞命痛如之何先

是君大舅孟子有楊烏之才善性彰於岐嶽闕

字見於垂髫年七歲而夭君夫人所共哀也

故建 共墳配食斯壇臣懋考妣之心琦瑤

延昌為至德不紀則鐘鼎奚銘管姬闕武弟

述其兄綜闕四行於夔陋猷昂敢忘乃刊石以

旌遺芳其辭曰

於惟郎中實天生德順親誨弟受恭竭力教我

義方導我禮則傳宣孔業佐世模式從政事上

忠以自勛貢計玉庭華夏歸服帝用嘉之顯琴

殊特將從雅意色斯自得乃遭氛災殞命顛沛


家夫所怙國止忠直俯哭誰訴叩唏烏告嗟嗟


孟子苗而弗毓奉我元兄脩孝思極魂而有靈

亦歆斯勒

右漢故郎中鄭君之碑篆額鄭居名固威宗  
延熹元年卒固以曹掾事其郡將而云犯顏  
謬造膝詭辭漢人用事不拘礙如此秦紀  
引賈生云九國之師遂逃遁逃而不敵進陳  
涉夜家則刑遂逃二字班史又作遁逃故顏  
師古讀遁爲遂而詆潘岳用遁逃爲非游俠  
傳遂有退讓君子之風此云遂遁退讓蓋

用史記語歐讀遁爲循趙又惑于顏注子謂  
皆當讀如本字





議郎元賓碑

上闕

字元賓魯相之孫成德

字闕

東安平令北

海相

下闕

守之弟子中牟令兄子也君生也即

有殊操隋孝行

下闕

鄉黨乾乾積善念於濟人

故多疇宗親受爵位者皆

下闕

也加有聰明敵

括之才博五經之滋味覽群書之要

下闕

圖籍

摘翰著作時人莫能豫其思辯論

字闕

二文章爛

下闕

孝廉元弘名於三署揚清譽於海內除倉

龍司馬詔下闕試經第一衛尉察尤異遷吳令

憲春陽从加惠則陰下闕擊有喬宰鄭見思之

歌視事二稔民用寧康从不媚下闕雲之高翻

署色斯碑州從事雖進闕邊禾枉尺直擣下闕

覃聖朝旌勳公車徵琴議即當豐闕姻媾光國

典家下闕毓穢我良人年卅八延熹二年二月

字闕卒天子閔下闕咨嗟使者臨弔賻贈特加

於足族舊門人莫不傷瘁下闕立銘从詠君德

其辭曰

上闕藎無倫揚休聲為王臣播忠冊列帝庭名

顯章光四下闕建靈石岳鴻勳昭來哲示後昆

右議郎元賓碑在亳州碑無額故不得其姓

石缺又失其名元賓以孝廉入三署除倉龍

司馬衛尉察尤異遷吳令碑州從事召拜議

郎以威榮延熹二年卒漢官掖門每門司馬

一人比千石倉龍司馬主東門蓋衛尉之屬

也元賓爲九卿所察由千石而治縣時以爲  
遷近歲亦嘗詔從臣薦士矣皆超授二千石  
刺史而不以爲過其肯以二千石中都官而  
出宰百里者乎碑云有高宰鄭卽國僑也翻  
碧色斯則以碧爲蒼柱尺直擗則以擗爲尋  
也

中常侍樊安碑

漢故中常侍騎都尉樊君之碑

君諱安字子仲南陽湖陽人也厥祖曰仲山父  
翼佐周宣出納王命爲之喉舌呂致中興食采  
于樊子孫夜焉亦夜載德守業不銜左漢中葉  
萬生括媛佐合南頓實產夜祖征討遂畔復漢  
郊廟而樊氏呂帝元明顯受土封寵五國壽張  
侯呂公德加位特進其次竝呂高聲處鄉校侍



中尚書掾州典郡不可勝載為天下著性君臣  
好學治韓詩論語孝經並通記傳古今異義甘  
貧樂約意不回貳天姿澗慎稟性有直秉慘不  
移不呂窺貴世政峻邑寡識憚賢後德被呂  
勞事然後慷慨破憤宦弓玉室歷中黃門尤從  
假史拜小黃門小黃門右史遷臧府令中常侍  
其事上也貞固密慎矜矜戰戰任主股肱助國  
視聽外駭不誣內言不泄為近臣楷模是呂兄

弟竝盛雙掾二郡宗親賴榮年五十有六呂永  
壽四年二月甲辰卒朝思其忠追拜騎都尉寵  
呂印綬英書褒歎賻贈有加嗣子遷寔呂劣弱  
夙叙玉爵而喪所天禮備復位呂延熹三年冬  
十一月自上蒸祭乃尋惟烈考恭靖之齋勤之  
碑石俾不失隧其辭曰


肅肅我君帝躬是翼正事多難我君是力秉此  
小心呂亮皇我惟帝念功庸以輿服大命傾賈

魂神僊伏龜父追遷用光其德藹藹遺稱住星  
佐式勒名慈石罄示罔極勲名不刻永昭千億  
制詔中常侍樊安宿齋歷年巷恪澍慎嬰被疾  
病不卒早終今使湖陽邑長劉恭追弭安為騎  
都尉贈印綬魂而有靈嘉其寵榮烏呼哀哉  
延熹元年八月廿四日丁酉

右漢故中常侍騎都尉樊君之碑無額書其  
首行如此樊君名安字子仲歷中黃門冗從

假史拜小黃門小黃門右史藏府令中常侍  
漢志有中黃門冗從僕射而無假史有小黃  
門而無右史蓋闕典也安以威宗永壽四年  
卒其子以延熹三年仲冬祭畢始刻此碑  
其末又載延熹元年八月丁酉贈騎都尉詔  
趙氏遂以碑為元年所立而歐公云字子佑  
皆誤也壽張侯者名宏碑在唐州湖陽三五  
十年來推拓已漫滅其半矣治平中縣令樂

京亦嘗爲之再刻



隸釋卷六終

隸釋卷七

冀州刺州王純碑

君諱純字伯敬魏郡太守之子其

字關五

後也厥祖儒宗字關二春秋君天資才敏行不啓

而達學不勞而能遵父業字關三始仕事君立

朝正色字關一恂智宣慈惠和以哀州後事永和

二年察孝廉除郎中謁者執法操牘奮筆憲臺

直過發無任見徒掌錄違之或有開過微刑輕

兗溪闕三坐行惡蠲疑閔其粥糜凍餒之患勅

大司農徹易衣瘞惻隱闕至恩加窮民其三平

有九夷之難出將征西君請召袞豫督趣軍糧

其所過歷彈正闕三赫譽烈宣于方國拜守宮

令以父司隸還謂者官遷左都僑喪父服除復

即拜敬北闕夫妹歸寧遂釋印綬因辟舉高第

遷侍御史出使揚州聖朝嘉君旋拜徐州浞化

甘棠闕過省開政尚寬弘視事二載換在冀州

西征東怨紀歌遺風以公事去官窮則樂善達

則闕人進則延賓分祿退則却掃開門年五十

九延熹四年八月廿八日甲寅不闕墮祖五年

十一月十八日丙申墓存有令跡亡述存勳銘

載金石永茂平刊其頌曰

真矣王君有虞之胄封陳興齊枝葉繁茂君綜

典謨無道不究從政履規在公竭謀登翼闕臺

文武兼備發政舉刑闕親恤下闕將西征闕二

命使

闕

善絀不聖朝嘉異牧徐宰冀惠

闕

三

遺

則

闕

澹

闕

四

朽不永平壽縉紳凡百孰

不哀思

右漢故冀州刺史王君之碑篆額王君名純

在朝歷郎中謁者左都侯侍御史出刺徐冀

二州以威宗延熹四年卒其文有不可讀者


頌辭將西征之上少一字水經云須句西有


冀州刺史王紛碑中平四年五年與名皆誤

也趙氏云碑陰有東平伯馮定伯凡百餘人

可識其題義士云各發聖心共出義錢予未

之見也碑在鄆州中都縣





山陽太守祝睦碑

君諱睦字元德濟陰人也其先蓋高辛氏

之火正以能淳曜天地曰祝融遂獲豐阜之脰

煇裔昌遠大乃一侯伯分任諸夏鄭有祝暉者

君之清也君膺厥歸量在約淵澹潛心耽學談

洞上典探噴窮神無物不辯

字闕

二

州郡以孝貢

察翁于王庭除北海長史潁川郎令導濟以禮

三載之後而民知讓有恥且恪君惟老氏名遂

身設色斯翻翔紆精衡門闕三道闕事諮度辟

司空府北軍中候拜大尚書尚書僕射嚙舌納

言翼皇正樞遵常山相山陽太守齊和五品崇

化以寬昭德塞違不訓其仁袖板隱伏闕賢式

禮下闕攸堪九功竹著當享繁祿為帝幹楨年

六十有八延熹七年八月丁巳卒臨紆續遺令

素襯萋萋以席賻賵非禮齋不得犯存無玩飾

亡遵以儉所謂守終純固者已益銘功紀勳所

以旌往示來於是乃共登山鑄石刻勒鴻伐其

粹曰

麟我君國之光履忠順闡道常升紫微平機衡

統闕二奠律章撫二郡踰卽黃恭儉已民用康


紉頌興詠遺闕不稱馥垂令芳生見樂歿不忘

名灑日億載揚

右漢故山陽太守祝君之碑篆額祝君名睦

濟陰人歷北海長史郎令北軍中候尚書尚

書僕射常山相山陽太守以威宗延熹七年  
卒碑云導濟以禮有恥且恪與魯論不同殆  
亦借用



泰山都尉孔宙碑

有漢泰山都尉孔君之銘

君諱宙字季將孔子十九歲之孫也天姿曠  
齊聖達道少習家訓治嚴氏春秋緝熙之業既  
就而閨闕之行允恭德音孔昭遂舉小廉除郎  
中都昌長桓傳五教尊賢養老躬忠恕既及人  
兼禹湯之臯已故能興朴闕二彫幣濟弘功於  
易簡三載考績遷元城令是時東岱黔首猾憂



不

闕三

祠兵遺畔未寧乃擢君典戈

戎

既文脩

之旬月之間莫不解甲服闕

闕三

禱田暖喜于

荒圃商旅交乎險路會鹿鳴於樂崩復長秀於

酬酢

闕三

稔會適篤病告困致休得從所好季

六十一延熹六年五月乙未

闕三

疾貴速朽之

反真幕寧儉之遺剽寔夕不舉明器不設凡百

邛高

闕三

述於是故吏門人乃共陟名山采嘉

石勒銘示後俾有繇式其辭曰

於顯我君齡德惟光紹聖位儒身立名彰貢金

王

闕

是受夙夜

闕二

左公明明乃綏二縣

勅儀既康於天時靡撫茲岱方帥被凶人覆俾

字

闕二

南歆孔饁山有夷珩豐年多棗稱被先醜

帝賴其勲民斯是皇疾

闕三

乃委其榮忠告懇

勤屢省乃聽恭儉自終虛蓋不敝生播高譽歿

張令名永夫

天

不刊

書載陽聲

延熹七年七月戊

闕

造

右有漢泰山都尉孔君之碑篆額孔君名宙  
卽融之父也歷卽中都昌長元城令泰山都  
尉威宗延熹六年正月卒碑以次年七月立  
宙有七字曰謙曰衰皆見於碑誌凡漢刻其  
首行卽入詞無額者或題其前如張納樊安  
之比亦甚少已篆其上復標其端惟此碑爾  
釋左傳者以窀穸爲厚夜此云窀穸非借也

門生故吏名

門生鉅鹿癭陶張雲字子平門生鉅鹿癭陶趙  
政字元政門生鉅鹿廣宗捕巡字升臺門生東  
平寧陽韋勳字秀昌門生魏郡館陶張上字仲  
舉門生魏郡館陶王時字子表門生魏郡陰安  
張典字少高門生魏郡魏益忠字待政門生魏  
郡魏李鎮字叔君門生魏郡館陶吳讓字子敬  
門生魏郡館陶趙儉字元節門生魏郡館陶

瑱字仲雅門生魏郡鄴暴香字伯子門生東郡  
東武陽梁淵字元祖門生東郡衛國趙恭字和  
平門生東郡東武陽張表字公方門生東郡東  
武陽滕穆字奉德門生東郡樂平桑演字仲厚  
門生東郡樂平靳京字君賢門生東郡樂平梁  
布字灼光門生東郡樂平桑顯字伯異門生陳  
留平丘司馬規字伯昌門生安平下博張祺字  
灼松門生安平下博張朝字公房門生安平下

博蘓觀字伯臺門生安平堂陽張琦字子異門  
生北海安丘齊紉字榮謀門生北海龍昌呂升  
字山甫門生北海劇薛顯字勝甫門生北海劇  
高水字季超門生濟南梁鄆趙震字剌政門生  
濟南梁鄆徐璜字彥文門生濟南東平陵吳進  
字升臺門生甘陵廣汎李龍字元章門生甘陵  
貝丘賀曜字升進門生魏郡清淵許祺字升明  
門生魏郡陶館史崇字少賢門生魏郡館陶孫忠

字府文門生東郡樂平靈精字子節門生任城

任闕字二景漢門童安平下博張忠字公直故

吏北海龍昌逢新字伯憲故吏北海龍昌雍章

字文理故吏北海都昌魏稱字文長故吏北海

龍昌呂規字元規故吏泰山費魚淵字漢長故

吏泰山華母樓觀字世光故吏泰山南城禹規

字叔舉故吏泰山南武陽蕭誨字伯謀故民泰

山費淳字黨字季闕弟子北海劉陸暹字孟輔

弟子陳苗襄邑樂禹字宣舉弟子下邳下邳朱

班字宣闕弟子東平靈陽周順字承闕弟子沛

國小沛周升字仲甫弟子魯國起陽陳褒字聖

博弟子汝南平輿謝洋字子讓弟子山陽瑕丘


丁瑤字實堅弟子魯國戴璋字元珪弟子魯國


卞王政字漢方

右門生故吏名孔宙碑陰也漢碑多有陰然

稀少有額獨此刻以五大篆表其上凡門生

四十二人門童一人弟子十人故吏八人故  
民一人都昌者四泰山者五漢儒開門受徒  
著錄有盈萬人者其親受業則曰弟子以久  
次相傳授則曰門生未冠則曰門童摠而稱  
之亦曰門生舊所治官府其掾屬則曰故吏  
占籍者則曰故民非吏非民則曰處士素非  
所征則曰義士義民亦有稱議民賤民者逢  
帝盛碑有姓殪者二人趙氏謂氏族書無殪姓  
姓此碑有都昌殪章則古来自有此姓但譜  
考之不詳爾漢人雖姓氏亦借用字如伍爲  
五歐陽爲歐羊之類或是借殪爲解亦不可  
知也





正德... 山陽太守祝睦後碑... 故吏王堂等竊闕下有述上之功臣有叙君之

山陽太守祝睦後碑

故吏王堂等竊闕下有述上之功臣有叙君之

德自替在前列莫不紀名于典闕六故孔子曰

民人登祝上天歆焉用永其夜而豐其平祭屬

欽熙孰不咨賢代作頌曰伊余祭舉

祝君兆自縻宰祝融苗胄承獲禎慶光裔熾藜

分仕六國張維諸夏鄭有祝聃者君其殆也昔


祖仕湯湯治於梁洮頤自翔家於濟陰君斷陸

入學循韓詩嚴氏春秋七典並立闕綜百家文  
豔極或淵深識怕然執舟躬繫水雪不然清皓  
漸心於道通神逢明無物不覽鄉黨返返朝廷  
便便踐趾州郡階允右聖以左察舉讚琴王庭  
除北海長史潁川郵令化行如風民應如草三  
載考績名登明堂色斯舉矣得身衡門童冠翔  
集耽經樂術潛神默記與俗殊好辟司空府北  
軍軍中候擢琴尚書尚書僕射七政館銘佐輔


升樞功冠帝庭懿德遵優遜常山相山陽太守  
協齊行律恢宗三樂追惟九思導闡泮宮附庸  
收同溫化以禮帥由舊章摘隱取伏訓承賢良  
國無珠藏悉浴蘭湯齒林巨蔑七子在乘乘菁  
遠遜竟界在康休釐充闕功馨升陽當此系往  
為漢棟梁年六十八履疾不瘳延熹七年八月  
丁巳卒臨絕統埃垂誨素棺幣以葭發贈綬賜  
假非禮之常壹不得當穀無珍玩歿就以約所

謂守終啓予其去也善益彰功闕表勛所以  
煥往炳來於是三年禮闕乃相與刊勒金石其  
辭曰新樂平  
穆哉君邦之陽資五就闔道網涉秦徽准樞衡  
稽列宿四方德合乾翼應領二郡曜重光化  
流洽棍幽昌性天約元用長領君佗謬令香功  
烈著遺榭芳存覲榮淪弗忘稱輝玄為常

右漢故山陽太守祝君碑頌篆額與前碑皆  
在應天府虞縣城縣祝君以延熹七年卒故  
吏王堂等三年禮闕相與刊此石則延熹之  
九年也其詞聲牙頗有難通者所云鄉黨送  
送亦與論語今文不同







荆州刺史度尚碑

君諱尚字博平其先出自顓頊與楚同姓熊

之後闕亦闕位統國法度秦兼天下闕知之

純質秉黃中之正氣智舍淵藪仁隆春暖義高

秋雲行繁冰霜沆慨壯厲臨下闕休譽固已著

矣及其興牧必招振賢才抽拔幽逸選任

極當夜之秀士養民有下闕令聞彌崇暉光日

新可謂盛德者已初奉歲計拜郎中除上虞長

玄化潛洞百姓

下闕

數縣息信並宣令行禁止

以文憂公官吏舉考廉為右校令是時南蠻蠢

動擢

下闕

魏殊俗省服遠人用綏封右鄉侯

遷遼東大守旬月之間巖貉寧輟會揚賊畔於

下闕

拜中郎將救敵制勝威謀合神持重遷於

管平深入則輕冠軍附士渥於李廣御衆

下闕

同滋味必達井辨幕然後飲食惠以厚下說以

犯難是故所征輒勉師徒無頓

下闕

殺於殪干

戈戢走馬以糞朝貪展重復拜荊州刺史以故

秩居冊書慰薦因賜下闕之荊域踟蹰雖周人

之恩召伯弗此喻也於是故吏感清廟之頌嘆

父之詩乃

下闕曰

於惟我侯允麟允明文武是詠官忠官貞粵初

發蒸左波上囊邁種厥德

下闕

箕匪桴是榮無

言不難帝揚厥聲俾侏配闕性撫于荆撫荆惟

何南憂是

下闕

邦家

字

截波海水續莫匪嘉天

生哉侯寔惟民望心乎其愛四方是印如何不

永下闕而不朽芳烈遺

永康元年歲在鷄尾龍集丁未時惟闕歲闕

右漢故荊州刺史度侯之碑篆額威宗永康

元年立度君名尚山陽湖陸人漢書本傳尚

自郎中爲上虞長文安令長沙賊起荊州刺

史劉度敗走詔公卿舉代者尚書未穆舉尚

自右校令爲荊州刺史寇定封右鄉侯遷桂

陽太守明年召還荆兵復亂以尚爲中郎將

討平之復爲荊州刺史坐誣奏張磐詣廷尉

對以先有功得原復爲遼東太守年五十延

熹九年卒傳載其事甚詳此碑旣以荆牧題

其首又不見率文安守桂陽及初拜荊州事

其守遼東又先後不同蓋此碑石下一段殘

闕事有遺失上虞之下旣有闕文而後云數

縣令行禁止必其間嘗治文安也右校之下

載南蠻動蠢動而擢拜下闕文其後云復爲  
荊州刺史則知拜字之下乃初拜荊州也荆  
域踴慕如思召伯之上闕文恐是守遼東下  
闕封侯之後碑云守遼東而傳作桂陽二說  
不同群賊十年遁誅最後深藏桂陽山谷間  
尚多設方畧始能翦除恐或就守其壤不可  
得而辯也碑中不見度君所終歲月末有題  
字一行云永康元年蓋是記立碑之歲卽延  
熹九年之次年也尚自荆牧坐累起家作守  
故碑以荊州題之此碑在湖 荒野政和壬  
辰巡檢王當世見之始遷于官廨其後邑令  
滕君欲徙碑於舟浦王載而三覆繼因大水漲  
沒不出乙未年劉宗儀攝事乃能立之使星  
亭云

新羅車騎將軍馮緄碑

君諱緄字皇卿幽州君之元子也少耽學問習

父業下闕大壯弱冠詔除郎還更仕下闕官掾


功曹舉孝廉除右郎下闕以德綏撫政化深行

到官四載功稱顯著郡察廉吏州舉尤異遷掾

為武陽令深疾彊豪以公去官部廣漢別駕治

中從事辟司空府侍御史御史中丞督使徐揚

二州討賊范空周生徐鳳馬勉張嬰等竺迫州



郡進兵正法復辟司徒府廷尉左監正治書侍  
御史廣漢屬國都尉隴西太守坐問吏辜旬不  
分去官以无駭動為四府所褒復家拜隴西大  
守上病辟同產弟徽議郎復治書侍御史尚書  
遼東太守車騎將軍南征五凌蠻夷黃加少高  
相法氏趙伯潘鴻等斬首萬級沒溺數降者  
十萬人收逋竇布在萬正正不費官財振旅還  
帝臨當受封以謬言奏河內太守中常侍左官

弟坐遜位拜將佐大匠河南尹復拜廷尉褒荆  
州刺史李隗南陽太守成晉大原太守劉瓚不  
以重論坐正法佐左校後詔書特賞拜屯騎校  
尉廷尉奏中臣子弟末宜典牧州郡獲過左  
右遜位永康元年十二月亮一要金紫十二銀  
艾七墨綬

將軍體清守約跣車題墓遺令墳塋取臧荆而  
已不造祠堂可謂履真者矣恐後人不能紀知

商所歷故刊石表績以茲來夜孝栢皇帝以命將軍討此疆夷有栢栢烈闕之姿回誣為栢

右漢故車騎將軍馮公之碑篆今在渠州馮

公名緄巴郡南渠云字皇卿而本傳作鴻

卿傳云舉孝廉七遷為都尉中丞持節督討

揚賊守隴西遼東為京兆司隸校廷尉太常

車騎以長沙賊復作策免起為將作匠河南

尹廷尉坐考殺單山謫左校再為屯騎校尉

卒官其遷緄及物故先後與碑甚矛盾威宗

以命武功定謚緄亦虎臣之一云亡遣當其

時故作文者以帝謚書左方趙氏以為緄有

此謚而史不載謨也碑云一要金紫十二銀

艾緄終于廷尉而以將軍題碑者尊金紫也

帝紀揚徐賊范容周生寇城邑遣中丞馮赦

督州郡兵討之以緄為赦紀之謨也許曼傳

云隴西守馮緄始拜郡開綬笥有兩赤蛇分

南北走曼莖之曰三歲後為邊將官有東名  
當東行三千里後五年為將軍南征延熹元  
年緄守遼東討鮮卑至五年拜車騎擊武陵  
蠻却與碑合水經石渠曹水下注潛水縣  
有馮緄及桂陽守李溫家二子之靈常以三  
月還鄉水暴長郡縣吏民莫不祭于水上謂  
之馮李此異聞也

沛相楊統碑

君諱

闕九

富波君之

闕子也

闕天

闕

性少有令

問敵

闕

孝曰勅內

闕

名行曰補外

紹

下闕

烈隆

構厥基既仕州郡會孝順皇帝西巡以掾史召

見帝嘉其忠臣之苗器其瓊璠之質詔拜郎中

遷常山長史換建為府丞君雖詘而就之曰順

時政非其好也適翻然輕舉宰司累辟應弓司

徒州察茂才遷嗣陽侯相金城太守德曰化折



民威且懷殊俗慕義者不肅而成帥服者變社  
而屬疆場不爭障塞無事功顯不伐委而退焉  
直南蠻蠢迪王師出征曰君文武備兼戰勝先  
戰拜車騎將軍叅事軍還蒲勲復曰疾辭後適  
徵拜議郎五官中郎將沛相 吏之治副當神  
人秩禮之選舉不踰賢故望大和則事生毓晞  
嚴霜則畏辜戮欣悅悚慄寬猛必哀遭貴佞專  
權不稱請求考績不論徵還議官年五十六建

寧元年三月癸丑遘疾而卒朝廷愍惜百道歎  
傷關民寂爾莫不隕涕故吏戴滌等追在三之  
分感秦入之哀顛危贖其轍由庶考斯之頌儀  
迹鑿石碑初銘鴻烈光於僊載俾永不滅其辭  
曰

明明楊君懿鑠其德其德伊何官忠官力勤力  
廡身帥 闕 靡革暮茲典猶道曰經國班化勅元  
既清且寧武陵攜威文懷遐冥遠人斯服休並

充庭剛柔收得呂和呂平勳 藜藿莫與爭光  
目棠遺愛東征企皇念彼巷人怒焉永傷立言  
不朽先民所藏載名金石遺考無彊  
右漢故沛相楊君之碑篆額碑缺不知其名  
髮鬢有富波君字按楊震碑云長子牧富波  
倭相牧子統金城太守沛相則知此為楊統  
碑也順帝以其忠臣之苗特名為郎歷常山  
長史捷為府丞鮑陽侯相金城太守車騎將  
軍從事議郎五官中郎將沛相以靈帝建寧  
元年卒故吏戴條等共立此碑其從昆弟高  
陽令著碑陰題名所立沛君者即統也此碑  
辭翰俱妙以百寮作百遠以遐邇作遐爾  
震子孫名見于史者數人富波相及其孫  
衛尉奇皆在焉統居其中而不見錄亦史策  
之闕遺也

楊統碑陰

故

字關三

郎中令

關戴

字村

關

故吏懷陵園令

相蔣禧字武仲故吏宜祿長蕭劉瑞字仲祐故


吏孝廉抒秋劉旭字子明故吏大官目字甘丞譙

曹臻字建國故薛曾史鄭公孫錕字山梔故門

下書佐豐韓純字子敬故門下書佐豐畢珮字

廣茂故門下書佐鄭孟縱字河雒故決曾書佐

鄭公孫銀字山梔故門下書佐豐韓純字子敬



故門下書佐畢珮字廣茂故門下書佐鄭孟縱  
字河維故決曹書佐鄭公孫暘字元暘故吏贊  
陳俊字仲顯故吏靳夏陽字儀公故吏靳兒銳  
字伯玉故吏孖秋劉順字子選故吏沛周儀字  
帛氏  
右楊統碑陰凡十五人不稱郡皆沛人也贊  
卽鄴蓋是借用前史已嘗書倪寬爲兒此有  
兒銀乃知兩京之所通用

竹邑侯相張壽碑

君諱壽字仲吾其先蓋魯大夫張老盛德之襲  
茲載闕勳遵帥紀律不忝絕緒爲冠帝禮義之  
宗君孝友恭懿明允篤信敬悅經雅習文東光  
君業綜六藝博物多識畧涉傳記矯取其用服  
肱州郡匡國達賢譽善濟可登珽叙優能正躬  
師陪臨疑獨炤確然不撓有弘角之風舉孝廉  
除郎中給事謁者贊衛王臺婁闕忠躋上嘉其

節仍授命英匡其京輦昭德塞違內平外成舉  
無遺銜遷竹色保相明惠慎罰縣奉采土遭江  
揚剷賤上下關征役賦彌平萌干關戈杼柚罄  
殫君下車崇尚儉節躬自菲薄儲侍非汰悉無  
所留棄官相領省倉關小府郡史朝霖姦官墜  
無淫教故民樹藝三農九穀稼畫滋殖國無災  
祥歲聿豐穰皤白之老率其子弟以脩仁義蚌  
賤不起癘疾不行視事關載黔首樂化戶口增

多國寧民殷功刊王府將授轄邦對揚其勛功  
曹周於前將故瀕君澈澄清於顧銜悔過督却  
周紘承會表問君常懷色斯舍無宿儲遂用高  
逝老弱相攜櫟援持車千人以上沛相名君絡  
要請君捐祿收名固執不顧民無所叩國違所  
賴上下同感州郡聞知旌弓禮招復為從事覲  
覲帝視不折其節辟司徒府進邊以禮舍引內  
先頃關皓爾額天不忤邁兵無瘳平八十建寧

元年五月辛酉卒嗚呼哀哉夫積循純固者為  
天人所鍾功假於民者叙在銘典於闕後闕訪  
諸儒林刊石樹碑式昭令徽其辭曰

亮元德於戎君膺清茂體懿純超三署垂令闕

甄餐

闕

憲

臺

編

王

業

鉅

紫

微

彈

羣

司

清

公

闕

緩薄賦收邦畿黎烝殷夙荒飢感良臣哀其靈

竭輕舉

闕

來征民歎思暨輿人宰府命遂遂

闕

名振射

闕

弥闡垂令紀永示刊于骨德深後品

右漢故竹邑侯相張君之碑隸額張君名壽


以孝廉為郎嘗相竹邑靈帝建寧元年卒張

君治功曹周怡之過反為督却周紘所寤至

於捐祿而歸此風古今一也前史多以年為

蠡海廟碑嘗作佯字

隸釋卷七終



隸釋卷八

衛尉衡方碑

府君諱方字興祖肇先蓋堯之苗本姓闕二則

有伊尹殷之政歸稱阿衡因而氏焉闕三土家

于平陸君之烈祖少曰濡術安貧樂道履諒顏

原兼痛季由闡斯行諸砥仁癘闕四土階夷愍

之貢經常伯之闡佐左馮翊先帝所尊舍名竹

帛考廬江太守兄癘門太守闕孝長發其祥誕

降于君天資純懿昭前之美少吕又塞故厖允

元長吕欽明耽詩悅書闕三秋仕郡辟州舉孝

廉除郎中郎立侯相膠東令遵尹鐸之導保郭

二城蔡國起按挺叙闕三本摩末化速却置州

舉尤異選會稽東部都尉將繼南仲邵帝之軌

翼軫之旌操叅闕三綏來王之蠻會喪太夫

人感背人之凱風悼慕儀之幼簡寤苦出仍

闕上言倍榮向哀禮服祥除徵拜議郎右北平

太守尋李廣之在邊恢魏絳之和戎戈戢土佚

費省巨萬懷闕四靜有績遠穎川太守循清滌

信招拔隱逸光大茅茹國外浮謏淡眾繆動氣

泄狂闕五歸來洙泗用行舍臧徵拜議郎遷大

醫令京兆尹都餘化詩人所詠並有立新君

闕四隆寬慄鷄火光物墮霜剗姦振滯起舊存

亡繼絕恩降乾念威肅剗水本朝錄功入登衛

下闕翼紫回夙恒惟寅禘隋左公有單襄穆英



謨之風詔選賢良招先逸民君務在闕失順其

文舉已從政者選就勅巾永康之末君衛孝

相建寧初政朝用舊臣留琴步兵校尉處六師

之隙維時假階將授緄職受任決旬庵離寤疾

年十有三建寧元二月五日癸丑卒詔遣使

字闕弔賻禮百園臨會莫不失聲其年九月十

七日辛酉壘蓋雅頌興而清廟肅中庸起而祖

宗闕故仲庄既歿諸子綴論斯干佗歌用昭于

宣誦以旌德銘曰勩於海內門生故吏三闕

字采嘉石樹靈碑鐫茂茂秘將來其聲曰

峨峨我君懿烈孔純高朗神登歷夜忠孝馮隆

鴻軌不忝前人寬猛不主德義是經韜綜頌闕

温故前呈檻英按香踵迹晏平初援百里顯顯

令聞濟康下民曜武南會邊民是鎮惟闕憂及

退身叅議帝室剖符守藩比靖字闕有闕有聲

旋守中壑幽滍呂榮邁種舊京字闕四會澤戴仁

闕二 彼寧刻長刻君不冀不陽維明維允耀此

聲香能哲能惠刻亮天功入統闕二 剡剡光光

法言稽古道而後行兢兢業業素絲羔羊閭閻

侃侃顯顯昂昂何規履槃金玉其相謇謇王臣

羣公憲章樂旨君子闕二 無疆銘勒金石闕五

問闕二 萬戎是傳

右 尉卿衡府君之碑隸額建寧元年

立趙氏誤以為三年衡君名方歷郎中郎立

侯相膠東令會稽東部都尉名琴議郎為右

北平潁川太守再 議郎選太醫令京兆尹

碑有本朝錄功入登衛七字衛下闕文必尉

字也又云永康之末君衛孝威建寧初政朝

用舊臣留拜步兵校尉益靈帝初立更易朝

士自九卿而作五校殆是左遷故碑首其尊

者稱之碑云海內門生故吏采嘉石鐫靈碑

末有小字門生朱登題名則其人也銘文甚

溫潤如云鷄火光物隕霜刺姦尋李廣之在  
邊恢魏絳之和戎唐人誌墓多用此體雖柳  
子厚之作亦然履該顏原謂顏子原憲也律  
隋在公即委她出韓詩內傳

冀州從事張表碑

君諱表字元異系帝高辛爰暨后稷張仲孝友  
雅藝攸載天挺苗傑應期 治與漢龍興誕發  
神謀君其胤也懿烈純德經堙相承于來戎君  
亦邦之雄兼才伯和高朗令鳩談覽羣緯靡不  
究窮初仕郡為督郵鷹撮霆擊威德日隆糾剔  
荷岱抵拂頑詢屬城桓肅千里折中入為主簿  
含漢吐忠委她公門簪簪匪躬將美匡醜對揚


休光歷五官掾功贈山闕時行直真紕偽過漸  
防萌后臧其勛俾守犁陽正身帥下神化闕通  
方伯術職嘉君義紕旌命散任北國用靈遂播  
芳譽有頡其馨當陟台階注紀王庭穎葉未合  
寔命不同度時否泰畔栢利貞闕歸斯服舍之  
則賦設攸陶父怡志岳陽恬靜湛泊匪惶時崇  
春秋六十四以建寧元年三月癸巳叢疾而終  
其年十有一月丙寅克塋僉以為洪德宜演述

僖載彌以新功烈不譖紀後來無所聞於是刊  
石勒銘以示後昆其辭曰

於穆君兮煥沐芳闈洪範兮休烈彰令德彼兮  
宣重光仕郡州兮迪民康宜王臣兮為棟梁是  
不淵兮降淪霜凋芝華兮殲疔良伊詰人兮壽  
不將夜雖短兮名悠長位雖小兮功悠揚伐松  
柏兮構斯堂鏤金石兮復不亡萬子孫兮永烝  
嘗


右故冀州從事張君之碑篆額在冀州張君  
名表靈帝建寧元年卒此碑皆作四言韻語  
其末四句又五言云洪德宜演述億載彌以  
新功德末譜紀後來無所聞與費鳳碑文體  
相類碑云張仲孝友雅藝攸載拍詩爲雅藝  
也后臧其勛俾守犁陽者帝美其功使官于  
冀也犁陽讀爲黎陽歐陽公謂鷹撮靈擊是  
狗喻人擊上一字石損其半予初刻此碑失

於漢考徐而察之乃鷹撮靈擊非靈擊也郭  
仲奇爲司隸從事碑云鷹待電擊意與此同



金鄉長侯成碑

君諱成字伯盛山陽防東人也其先出自幽岐  
周文之後封于鄭鄭共仲賜氏曰侯厥胤宣多  
呂功佐國要盟齊魯嘉會自邠因呂為采焉漢  
之興也侯公納蒲濟大上皇于鴻溝之阨諡曰  
安國君曾孫輔封明統侯光武中興玄孫霸為  
臨淮大守擁兵從光武平定天下轉拜執法右  
刺姦五威司命大司徒公封於陵侯枝葉繁茂



或家河浦或色山濟君則止黨大守之弟多履  
慈孝之德長執忠簪之搢治春秋經傳綜書傳  
呂典籍教授滋滋履真安貧樂道忽於時榮敬  
上接下溫故知新翹節建志冠于羣倫孝友內  
著仁義外宣郡請署主簿督邦五官掾功曹守  
金鄉長卽家假印綬君分心如石不易其志判  
史嘉其高名辟東平泰山治中從事君叡精謙  
虛委地衡門呂禮膳栢名德可尊行顯身隱縣

輿養神聖人制命曰仁常存今胡不然喪此國  
偉君年八十一建寧二年歲在己酉四月二日  
癸酉遭疾而卒嗚呼哀哉於是遐邇士士仁祁  
祁來庭集會如雲踴哭發哀泣涕汎蘭將去白  
日歸彼玄陰同盟必至縞素填街存有顯名終  
有遺勲魂如有靈嘉斯寵榮於是儒林衆隲惟  
想邢景乃樹立銘石呂揚湫美其辭曰  
於穆君德姿履正中乾皇所挺應符如生耽藝

樂術悟忽戎榮靈位禮請分然不傾壽非南山  
不俟河清梁木圯頽鴻儀摧零昆嗣切剝哀慟  
感情乃銘乃勒億載永寧  
夫人呂延熹七年歲在甲辰十一月三日庚午  
遭并終

右漢故金鄉守長侯成之碑隸額侯君名成  
山陽人守金鄉長以靈帝建寧二年卒碑云  
侯公濟太上皇于鴻溝謚曰安國君光武中

興霸爲臨淮太守從定天下拜執法右刺姦  
五威司命大司徒封於陵侯按高帝紀侯公  
歸太公封爲平國君非謚安國也侯霸傳云  
五威司命陳崇舉霸德行遷隨宰再遷執法  
刺姦後爲淮平大尹淮平卽臨淮也王莽傳  
置執法刺姦侯霸等分督六尉如漢刺史謂  
霸嘗作五威司命及執法臨淮在光武時皆  
非也丞相封侯自平津始光武以功臣未封



故霸但侯關內既薨方追封金鄉其子昱徙封於陵爾謂霸封於陵又非也所貴乎石刻以其可以考正史傳之失今此碑與史不同者四蓋所引鼻祖前朝之事非聞見所接故也西漢表平帝封侯輔為明統侯此以輔為輔未知孰是

孝廉柳敏碑

故孝廉柳君諱敏字德卿其先蓋五行星仲廿

八舍柳宿之精也放像為用縣設為闕商家而

禪闕三而主或聞生柳憲國大夫而深信稱焉

君父吕孝廉除郎中闕部府丞君追祖繼體歷

職五官功暫守宕渠命本初元年大守蜀郡闕

復察舉君闕命失年君清節儉約麈風子孫因

窮守陋不闕三堂無文麗墓無碑識建寧元年

縣長同歲捷為屬國趙臺公憤然念素帛之義  
其二年十月甲子為君立碑傳于萬基因勒銘  
歎之辭曰  
惟斯柳君天憤鯁闕襲祖闕風行無遺闕投政  
股肱諫爭匡弼闕威外相屬城震栗守撥煩  
垂名所立表貢王庭望極爵位何辜窮倉官寵  
不遂予惟三六席音延季建豎斯碑傳于萬枝  
子孫繁昌永丕溥滅嗚呼哀哉辭曰

山陵玄室闕斯邦兮先人備質尚約清兮汝飭  
不雕隳霞臧兮季子信舊齋樹松兮僞信追歿  
激闕揚兮止而像存樂嘉靈兮宗子于集嗜其  
鳴兮四祀烝嘗不廢庶兮

右孝廉柳君碑今在蜀中柳君名敏歷五官  
功曾名渠令碑以孝廉稱之重其行也其父  
亦因孝廉除郎中碑字雖有漫滅考其文意  
蓋柳君以本初元年再為郡守所舉不幸而

死後二十三年縣令趙臺念其墓無碑識故  
為立石時靈帝建寧二年也碑云敏之先乃  
二十八舍柳宿之精頗類張姓連六之說不  
典孰甚焉

淳于長夏承碑

君諱承字倬亮東萊府君之孫大尉之卑子右  
車郎將弟也累葉牧守印綬典授十有餘人皆  
德任其位而平名豐其爵是故寵祿傳於歷茲  
業勲著乎王室君鍾其美受性淵懿含和履仁  
治詩尚書兼覽群藝靡不尋暢州郡更請屈已  
匡君為主簿督却五官掾功會上計掾守令冀  
州從事所存執憲彈繩糾枉忠潔清肅進退以

禮允道萬愛先人後已克讓有終察孝行大  
傳胡公歆其德美旌招俯就羔羊在公四府歸  
高除淳于長到官正滯流恩衰藉糾姦亦惡旬  
月化行風俗改易輻軒六轡飛躍臨津不日則  
月皓天不吊載此良人季五十有六建寧三年  
六月癸巳淹疾卒官嗚呼痛哉臣隸辟踊悲動  
左右百姓踴眺若喪考妣嗷孤憤泣切怛傷摧  
勒銘金石惟从告哀其辭曰

於穆皇祖天挺應期佐時理物紹繼先軌積德  
勤約燕弓孫子君之羣憾亦時繁祉明明君德  
令聞不已高山景行慕前賢剡庶同如蘭意韻  
未止中遭冤反不終其紀夙世賈紀早喪懿寶  
抱器幽潛永歸蒿里痛矣如之行動感動党魂  
有靈猨采巧

右漢北海淳于長夏君碑篆額元祐中洛州  
治河隄始得之夏君名承仕郡爲主簿督却

至冀州從事四府舉辟除淳于長靈帝建寧  
三年卒此碑字體頗奇怪唐人益所祖述漢  
字有八分有隸其石中絕不可分別梁庾元  
威作書論載隸有十餘種芝英隸花草隸  
幡信隸鐘鼎隸龍虎隸鳳魚隸麒麟隸仙人  
隸科斗隸雲隸蟲隸龜隸鸞隸此碑蓋其間  
之一體郭仲奇碑云有山甫之縱又云徽縱  
顯魯峻碑云比縱豹產趙圉令碑云羨其縱  
高外黃碑云莫與比縱此碑云紹縱先軌皆  
以縱爲蹤蕭何傳發縱指示獸處顏師古注  
云書木皆不爲蹤字讀者乃爲蹤蹟之蹤非  
也據此數碑則漢人固多借用顏氏之注殆  
未然也



郎中馬江碑

君諱江字元海者濟陰乘氏人

字闕三之長孫湯

官承之元子其先帝額頊醫羸之後故在趙國


以功封趙賜彌馬服因遂氏焉暨于君身乾靈

特挺岐嶷有度玄然清妙長有令稱通韓詩經

贊業聖典左書右琴明於光上之術顯於君臣

之道郡將平原高君深昭其德以和平元年舉

孝廉除郎中謙虛接下冠名三署昊天不闕遭



離闕厲平卅元嘉三年正下闕共貞幹仕喪儀

宗於是盟軌道醜編素來赴慘痛歸毗者不可

勝數矣夫人寇句魯氏終温慎淑成日女師平

五十五建寧三年十二月卒君中弟字又緒位

主簿督却志行闕期落落自有大節卒世二早

技詎折故堂迫芒兆吉斯土先君之庚地闕爰

還闕字闕神東看祖稱西瞻舊廬皇神仿佛爰

字闕二居乃字闕二碑銘勒厥勳其辭曰

鑠鴻德赫舍光闕天爵衛紫字闕二聲著于周京

榱桷存其人字闕五歲顧几延悽寢傷嗟詩云

感慨風歎寒泉惟梓桑闕靈闕期字闕四裔永克

昌歿不朽久彌章

右漢故郎中馬君之碑篆額馬君名江威宗

和平元年為郡將高君所薦入補執戟之列

元嘉三年卒即位無可紀之事惟載其同寮

醜類編素遠來之衆爾此碑字體古拙而行

間疎密不等其間載建寧三年夫人曹氏蓋  
相去十七年矣又載其弟文緒年三十二早  
夜當是因夫人卜兆以馬君共塋又同時改  
厝其年作碑故併言之石有斷缺不能詳考  
其云東看祖禰西瞻舊廬可見其瘞以昭穆

也

慎令劉脩碑

君諱修字伯麟從事君

闕十  
六字

履和而至少羅轄

苦身服田晦動乎儉中送粵

闕七  
字

弟克諧與於

鄉黨遜遜如也卑謙博愛怨已接人

闕六  
字

政事

君則安上竭節不求聲譽故為五福所歸沛神

明所

闕三  
字

時兄弟並典干城子孫盈門克昌堂

構非至德純粹真孰能與

闕

斯舉孝廉除郎中

呂將事太官辟從事司徒掾典掌邊事遷慎令




行霖為之政崇澹泊呂惠利素苦風痺到官暮  
月見臣吏勅兒子人命呼吸不欲煩擾吏民欲  
生見舊土歸終于家百家姓追逐攢輪遂不復  
還年六十七建寧四年五月甲戌卒二弟龍純  
孿哀孔懷孤生孺協郃長跽息慕立此碑銘以  
表景行與群曰

於惟君德忠孝正直至行通洞高明采克鬼神  
畱謙受茲余福和命不延引輿旋歸忽狀輕舉  
志曠拔葵人皆有已貴終譽兮歿而不朽垂名  
著兮

石漢故慎令劉君墓碑隸額在應天府下邑  
縣劉君名修以孝廉為郎終於宰邑靈帝建  
寧之四年也劉君不欲以後事煩擾吏民且  
欲生見舊土遂解印去官可謂知命履道者  
矣漢碑多門生故吏為之此則其二弟三子  
所立古之經籍未有雕刻之本學者各習其


師故其文不一左氏春秋小戴禮荀孟諸子  
班馬二史所引詩書多與今文不同漢未有  
私行金貨定蘭臺泰書經字以合其私文者  
故靈帝詔諸儒正定群經刊於石刻使天下  
取則焉所存遺刻復與今之經傳而文異而  
句別此碑云鄉黨遜遜如也祝睦碑則云鄉  
黨遂遂皆與論語異而二者又自不一蓋其  
師說然也此碑又有動乎儉中鬼神富謙亦

與今之易不類



博陵太守孔彪碑

君諱亮字元上孔子十九叔之孫潁川君之元  
子也君少履天姿自然之正帥禮不爽好惡不  
衡考衷度衷脩身踐言龍德而學不至於覲浮  
旌塵埃之外嚼焉記而未信即將嘉其所履前  
後聘名益不得已乃翻爾東帶弘論窮理直道  
事人仁必有勇可以託六授命如毛諾則不宿  
美之至也莫不歸服舉孝廉除郎中博昌長疾



病筭宿闕遷闕京府丞未出京師遭大君憂泣

踰臯魚喪過予哀謹畏舊章服竟還署試拜尚

書侍郎無偏無黨遵王之素慶可黜香出闕

度日格位闕所在祗肅拜治書御史膺臯陶之

原恕闕二參之闕五律祗用既平闕博陵太守

郡阻山闕三以飢饉斯多草竊四不闕賤劉尋

張曷白日攻剽坐家命下車之初闕五教以

博闕削四凶以勝殘乃闕三爰尚桓桓馬齧

害醜類已殫路不拾遺斯民以安發號施憲每

合天心闕之所惡不以強人義之所欲不以闕下

姓樂政而歸于德望如父母順如流水遷下邳

相河東太守舉此闕君子風也未怒而懼不

令而從雲行雨施闕二大和海內歸公卿之任

矣勞而不伐有實若虛固執謙以病群官公

位闔闕以孝竭闕餘暇渾夷彈琴擊磬闕下闕之

味而不改其靜上帝集謀天秩未究將援師輔

之紀闕細闕疾彌深乃碩乃闕二卅九建寧四

年七月年未闕二哀哉魂神超邁兮真真遺

孤物絕于嗟想形闕二哀遠念不欲生羣臣喘

叱靡所履逞夫逝往不可追兮功闕三識惟君

之軌迹兮如列星之錯置易建八卦揆齊敷舜

述而不作於祖賦詩皆讚所見于時闕三十一

闕吏崔闕三王沛等伏信好古敢詠顯闕乃刊

斯石欽銘洪基昭示後昆申錫鑒思其辭曰

穆穆我君大聖之胃愷懿允元獻其玄秀惟鬱

降精誕生忠良奉應郡貢亮彼我闕克明王道

辨物居方周闕四也正名朝無秕政直哉惟清

出統華夏化以蕙成闕惜珍選賢倚闕庭帝重

乃勛自闕二証所臨如神闕六之翰先民是程

宜乎三事金鉉利貞闕潔白駒俾衷憤惻當享

眉耆莫匪爾極大闕三邈矣不意于嗟悲兮闕三

息溥溥庶幾復焉所力咨乎不朽沒而德存

伊尹之休格于上天惟我君續表于月青永永  
無訢與日月并于嗟

闕二  
字於以慰靈

碑陰


故吏司徒掾博陵安平崔烈字威考故吏齊闕  
博陵安平崔恢字行孫故吏乘氏令博陵安平  
王沛字公豫故吏司空掾博陵安國劉惠字伯  
桓故吏外黃令博陵安國劉揚字子長故吏白  
馬尉博陵博陵齊智字子周故吏五官掾博陵

安平劉麟字彛公故吏五官掾博陵安平王瑤  
字顯祖故吏五官掾博陵安平孟循字敬節故  
吏五官掾博陵高陽史應字子聲故吏五官掾  
博陵南深澤程祺字伯友故吏五官掾博陵南  
深澤程祐字元祐故吏五官掾博陵安國劉机  
字下闕

右漢故博陵太守孔府君碑篆額孔君名彪  
歷郎中博昌長京府丞尚書侍郎治書御

史博陵守下邳相河東守以靈帝建寧四年  
卒趙氏云孔君自博陵再遷河東而碑額題  
博陵莫曉其何謂予觀漢人題碑固有前  
官如馮緄魯峻者俱自有說此碑陰有故吏  
十三人皆博陵之人也蓋其函甘棠之惠痛  
夏屋之傾相與刊立碑表故以本郡題其首  
也此碑作文多用經傳語考中度衷周語有  
之可以託六歌後甚矣史漢書宿留讀皆去

聲郭林宗齋刺就謁仇覽請其留宿與此疾  
病留宿同



隸釋卷八終

